


I buku rĩa Ngai kũrĩ ciana
nĩrĩrakũrehera



Rũthingo
Rũnene rwa
Nehemia



Rwandĩkĩtwo nĩ: Edward Hughes

Rũthathaũrĩtwo nĩ: Jonathan Hay; Alastair P.

Rũharĩrĩirio nĩ: Mary-Anne S.

Rũtaũrĩtwo nĩ: Stephen Kimani


Rũtungĩtwo nĩ: Bible for Children
www.M1914.org

©2026 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Perisia, bŭrŭri waarĩ na hinya, nĩguo waathaga thĩ. Mũthamaki Aritashashita nĩwe waathaga Perisia. Ũndũ ũcio nĩwamũtwire mũthamaki ũrĩa waarĩ na hinya thĩ yothe. Ũmwe wa andũ arĩa mateithagia mũthamaki mũno nĩ Mũyahudi wetagwo Nehemia. Wĩra wake waarĩ gũcama irio cia mũthamaki nĩguo ndagekĩrĩrwo thumu irio-inĩ.




Mũthenya ũmwe Nehemia agĩthĩ mberere ya mũthamaki arĩ na ũthiũ waarĩ na kĩaha mũno. Mũthamaki nĩendaga kũmenya nĩ kĩĩ kĩarĩ kĩũru. Nehemia akiuga, "We Mũthamaki, Ũrotũũra tene na tene. Ndĩ na kĩaha nĩũndũ itũũra rĩrĩa maithe maitũ mathikĩitwo nĩrĩthũkangĩitio na ihingo ciaguo igacinwo." Nehemia aaragia ũhoru wa Jerusalemu, ĩrĩa yaninĩitwo nĩũndũ wa mbaara mĩaka mĩĩngi hau kabere.



Mũthamaki Aritashashita akĩũria, "Nĩ kĩĩ ũrenda?"
Nehemia akĩmũthaita, "Reke thĩĩ Jerusalemu
ngarĩthondeke." Mũthamaki Aritashashita agĩĩtĩkĩra
na wega. Ona akĩhe Nehemia marũa ma wabici ma
kũmũgitĩra ari rũgendoĩĩ.




Mũthamaki agĩteithĩrĩria ona makĩrĩa.
Akĩnengera Nehemia marũa ma Asafu,
mũrori wa mĩtitũ ya mũthamaki. Asafu
athĩitwo aneane mbaũ irĩa Nehemia
abataraga nĩguo aake rũthingo rwa itũũra.



Rĩrĩa Nehemia akinyire Jerusalemu, agĩcokanĩrĩria atongoria othe a itũũra na akiuga, "Tũrĩ na thĩĩna haaha, itũũra nĩrĩmomore na ihingo igacinwo. Rekeei twambĩrĩria kũrĩthondeka rĩngĩ." Akĩmeera atĩ mũthamaki Aritashashita nĩetĩkĩrĩite na makĩrĩa, Ngai aarĩ mwena waao.



Wĩtĩkio wa Nehemia na gũcanjamũka gwake
nĩgwekĩrĩre andũ hinya. Magĩtĩkĩra, makiuga,
“Rekeei twake rĩngĩ.” Nehemia akĩĩra o bamiri
rũthingo rũrĩa ĩgũthondeka.



No ti andũ othe meetĩkĩrĩre gwaka rũthingo. Mũndũ weetagwo Sanibalati na araata aake eerĩ Tobia na Geshemi, matiarĩ Ayahudi, na matiendaga rũthingo rwakwo kana ihingo ithondekwo.




Rĩrĩa wĩira wathiaga na mbere, Sanibalati akĩrakara mũno. We na araata aake makĩnyũrũria Ayahudi. Tobia akiuga, "Marĩkia gwaka rũthingo rũu, mbwe ĩmwe niini nĩkũrũgũithia." Nehemia ndacokirie. No kũhooya ahoire Ngai amarĩhĩrie.



Inyūrũri ciao ciaga kũruta wĩira, makĩbanga kũrũa
na Jerusalemu na mareehe gĩthagathago o ũrĩa
mangĩhota. O rĩngĩ Nehemia akĩhooya ũteithio
kuuma kũrĩ Ngai. Agĩcooka
agĩkĩra agitĩri ũtukũ na mũthenya
nĩguo matikahobanĩrio.



Ayahudi makĩruta wĩira na kĩo,
nginya nĩmanogaga. Amwe
magĩitigĩra atĩ thũ nĩigũka
imoorage makĩruta
wĩira. No Nehemia
ndaarũgamirie wĩira.
Agĩĩkĩra arangĩri
mathiũrũrũkerie aruti
a wĩira na akĩmaririkania
atĩ Ngai aarĩ mwena waao
na Ngai nĩarĩ na hinya
gũkĩra thũ ciao ciothe!



Nehemia akĩgeria gũtwĩka mũhiano mweka.
Mũthamaki Aritashashita nĩamũtuĩte mũtongoria wa
Jerusalemu arĩ na ũhoti wa gwĩtia irio na mbeeca
kuuma kũrĩ andũ, no we ndeekire ũguo. No wĩira
arutire na kĩo hamwe na andũ arĩa angĩ
magĩaka rũthingo.
Akĩhũthĩra mbeeca
ciake kũgũra irio.




Thuthainĩ andũ makĩrĩĩkia gwaka rũthingo, no
mĩrango yatigarĩĩte gwĩkĩrwo kĩhingoinĩ kĩnene.
Rĩrĩa Sanibalati, Tobia na Geshemi maigwiire atĩ
gũtiarĩ na mĩanya rũthingoinĩ, makĩbanga ũrĩa
makũguraria Nehemia.



Magĩtũmĩra Nehemia ndũmĩrĩri macemanie handũ heetagwo Ono. No Nehemia nĩamenyire nĩkũgeria mageragia kũmũhenereria aume itũũrainĩ nĩguo mamũgurarie. Akĩmaandĩkĩra akĩmeera ndangĩtiga wĩira athĩ magacemanie.



Rũthingo rŭkĩrĩika, na Nehemia akĩbanga thigari
cia kŭrũgitĩra. Agĩcooka agĩthondeka
watho atĩ ihingo itikahingũrwo
nginya riũa rĩrathe.



Ūtukũ ihingo
ciagĩrĩirwo kũhingwo
na kũgĩtĩrwo.



Tondu rĩu itũũra rĩarĩ na ũgitĩri, Ayahudi aingĩ arĩa
mathamĩitio kũndũ gũtiganĩite magicooka Jerusalemu.
Nonginya Nehemia aarĩ mũkenu mũno nĩũndũ wa
kũrĩikia wĩira

ũrĩa Ngai
amũheete
arute ona kũrĩ
na ihĩngĩca
nyingĩ.

Agĩikara
Jerusalemu
na agĩteithia
andũ maathĩkĩre
Ngai hingo
ciothe.



Rũthingo Rũnene rwa Nehemia

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,


rũrĩ thĩinĩ wa

Nehemia

“Ciugo Ciaku ciatarĩrio nĩrehaga ũtheri.”

Thaburi 119:130






Mãico



35



60



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mũrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩiniĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma I buku rĩa Ngai na waranagĩrie nake o
mũthenya o mũthenya! Johana 3:16

